

ԳԻԻՂԱՅՈՒ ԱՂԹՔԸ.

Քո Աջուլն ենք, Տէր մենք ապրում,

Թէ՛ւ մերերն են աշխատում.

Դու ես երկիրն բերրի գարձնում,

Խսկ մենք դաշտից տուն ժողովում:

Ամեն ինչ Քեզ փառք է կարդում,

Բոց մենք յայտնի չենք տեսնում,

Որ Դու միայն ունկն ես դնում,

Երբ գործող ձեռքն է փռք կարդում:

Երկրի, երկնի Դու կառավար

Հացով խնամէ մեզ հայրաբար.

Աւատութիւն ընդոց մեզ տուր,

Մեր ցանք, քրտինք, թող չնեն զուր:

Երբ Քո հրաման կգայ բարձրից—

Շուտ հեռանալ մեզ այս երկրից,

Թող մեզ հանգչել, Հայր, Քո գողում

Քեզ փառատրել և Երկնքում:

Պանդոս—Խո.

ԱԶԳԱՅԻՆ

ՏԱՐԵԿԱՆ ՏԵՂԵԿԱԳԻՐ ՃԵՄԱՐԱՆԻ.

Գերապատիւ Սրբազան Տեառք.

Այս Հանդիսաւոր ժամիս, մինչ իմբուած ենք ձեմարանիս բացման 11-րդ տարեգարձը թօնելու, պարտք եմ համարում համաօտակի տեղեկութիւն տալ Ձեզ, Մեծարու Հանդիսականք, հաստատութեանս 18⁸⁴/₈₅ ուսումնական շրջանի մասին:

Խօսքս չեմ երկարացնել ձեմարանիս ուղղութեան, նպատակի և ծրագրի մասին, որովհետեւ յայտնի են. ձեմարանիս ուղղութիւնն է և պէտք է լինի հոգւոր, նպատակը՝ տալ ազգին հայագէտ և կրօնագէտ կուսակից հոգւորականներ, քահանաներ և ուսուցիչներ: Այս ուղղութեան և նպատակին յարմարեցրած է ուսման ծրագիրը, որ արդէն հրատարակեալ լինելով «Արարատ» տմագրի մէջ և առանձին տետրակով՝ այստեղ հարկ չեմ համարում երկրորդել: